

Mengangkat martabat pendakwah dengan ilmu

B.H. 11 DEC 1992

BERIKUT disiarkan sedutan ucapan **Perdana Menteri, Datuk Seri Dr Mahathir Mohamad** ketika merasmikan Kursus Pendakwah **Negara di Institut Tadbiran Awam Negara (Intan), Bukit Kiara** pada 10 Disember 1992.

ASSALAMUALAIKUM warahmatullahi wabarakatuh. Alhamdulillah, syukur kita ke hadrat Allah Subhanahuwa Taala atas limpah kurnia-Nya dapat kita berkumpul di majlis pagi ini untuk merasmikan Kursus Pendakwah Negara.

Pada masa yang sama kita harus lebih bersyukur kerana kita dilahirkan sebagai orang Islam. Kerap kali kita anggap ini sebagai kejadian semula jadi dan kerana itu kita biasanya tidak perlu insaf dan bersyukur. Tetapi inilah nikmat yang terbesar yang kita perolehi.

Kita nikmatinya kerana lebih kurang 700 tahun dahulu pendakwah Islam datang ke pantai kita dan melalui cara dakwah yang bijak, mereka berjaya mengalih kepercayaan kita supaya memeluk agama Islam. Saya kurang yakin orang Melayu di zaman itu akan memeluk agama Islam jika dakwah yang dijalankan di zaman itu lebih tertumpu kepada berdakwah di kalangan mereka yang sudah Islam seperti yang dijalankan di zaman ini.

Di samping kita bersyukur kerananya, kita juga harus teliti akan cara me-

reka berdakwah di zaman dahulu. Berdakwah di kalangan orang yang sudah Islam biasanya lebih mudah daripada berdakwah kepada orang yang belum Islam. Sebaliknya orang Islam dikehendaki menyebarkan ajaran Islam bukan sahaja di kalangan orang Islam, tetapi juga di kalangan orang bukan Islam. Jika tidak, bagaimanakah Islam boleh berkembang di kalangan mereka yang bukan Arab dan yang bukan berada di Makkah atau Madinah? Walaupun kekecewaan lebih mungkin berlaku dalam usaha berdakwah di kalangan bukan Islam, ia masih menjadi tanggungjawab orang Islam.

Perkembangan Islam berjalan dengan pesat dalam abad-abad pertama dan kedua selepas wafat Nabi Muhammad s.a.w. Selepas itu usaha untuk mengembangkan Islam agak berkurangan. Keadaannya tidaklah seperti agama-agama lain yang mempunyai rancangan serta pendakwah khas untuk mengembang agama mereka sehingga ke tem-

tidak? Jika sudah begitu miskin seperti rakyat Somalia dan rakyat di beberapa lagi negara Afrika dan Asia, kekecewaan yang amat sangat akan melanda jiwa hingga iman mereka juga akan terganggu.

Justeru itu usaha membangunkan rakyat Islam juga termasuk dalam erti kata dakwah. Usaha ini perlulah dikaitkan dengan agama Islam. Umat Islam yang hanya inginkan kekayaan dan kejayaan untuk memenuhi nafsu tidaklah boleh dikatakan beribadat. Tetapi mereka yang mengejar kejayaan tanpa melupakan agama dan tanggungjawab mereka kepada agama dan umat Islam, adalah mereka yang beribadat dalam erti kata yang luas.

Sekarang pendakwah Islam lebih berminat untuk mengislamkan yang sudah Islam. Memandang bawha ramai orang Islam terpaksa berhijrah ke negara-negara bukan Islam dan ada yang mungkin terpisah dari-

pat yang terencil seperti di kepulauan **Pasifik**.

Dalam sejarah **perkembangan** agama, tidak ada faktor yang lebih **berkesan** untuk menarik **penganut** baru daripada **kejayaan** nyata penganut yang sedia **ada**. Jika orang Arab dan India Muslim yang datang ke tanahair **kita** adalah **pengemis miskin** yang tidak **berpengetahuan**, sudah tentu mereka tidak **mungkin** dapat mengembangkan agama **Islam**. Dalam masyarakat Melayu **pada** zaman itu, **raja** sahaja yang boleh **menentukan sama ada** agama baru diterima atau ditolak. Pengemis yang **jahil** dalam selok-belok duniawi dan tidak **pintar** tidak **mungkin** **mempengaruhi raja**, bahkan **tidak mungkin** mendekati **istana**.

Justeru itu, pendakwah Islam dari Arab dan India adalah saudagar yang berjaya yang dapat **mendekati** dan **mempengaruhi raja**. Masa yang lama diperlukan untuk **melakukan** hubungan **ini** serta memperkenalkan **kejayaan** duniawi orang yang beragama Islam. Setelah raja dan **penasihat-penasihatnya** yang kagum dengan **kejayaan**, **peniaga-peniaga ini** dan **mempunyai** hubungan **rapat** dengan mereka barulah mereka berpeluang untuk menceritakan mengenai agama Islam dan **kebaikannya**.

Pada zaman **ini** keadaan berbeza. Fungsi **raja** tidak **lagi** seperti dahulu. Namun kejayaan nyata pendakwah-pendakwah dan umat Islam umumnya masih mempunyai fungsi yang penting. Jika umat Islam adalah masyarakat yang mundur dan miskin dan tidak berjaya, minat

orang bukan Islam untuk mendengar keterangan pendakwah bekenaan **dengan** agama Islam tetap berkurangan. **Dalam** keadaan **ini**, hanya mereka yang terdesak atau **mempunyai** masalah jiwa yang kerap mendekati dan **meleluk** Islam.

Mungkin kita akan berkata bahawa penerimaan Islam oleh bukan Islam atau kehormatan mereka **terhadap** agama Islam tidak **penting** asalkan kita amalkan **ajaran** Islam. **Tetapi** sikap **ini** sudah menunjukkan bahawa **kita** tidak mengamalkan **ajaran** Islam kerana sebahagian daripada **tanggungjawab** orang Islam ialah **mengembangkan** agama mereka. Lebih daripada itu, sikap tidak **mepedulikan** pandangan rendah orang bukan Islam **terhadap** {slam **memperli-**hatkan **sikap** tidak bersyukur **kita** kepada pendakwah-pendakwah dahulu yang telah berjaya memikat **hati** nenek **moyang** kita. Walauapapun, orang Islam terutamanya pendakwah Islam, tidak boleh memandang **ringan** penghinaan agama Islam oleh orang bukan Islam.

Sama ada mereka **memeluk** agama Islam atau **tidak**, mereka **harus** faham **dan menghormati** agama **Islam**.

Hari **ini** jelas orang bukan Islam tidak **menghormati** agama Islam. **Ini** bukan disebabkan oleh agama Islam itu **sendiri**, tetapi kerana sikap dan pencapaian umat Islam yang tidak menepati **ajaran** Islam. Di merata-rata tempat **amalan** umat Islam jauh berbeza **daripada** **ajaran** Islam. **Demikianlah** bezanya **amalan** mereka sehingga bukan sahaja mereka tidak **ber-**

saudara di antara mereka seperti yang dituntut oleh Islam, tetapi **juga** mereka sanggup **menghalang** usaha menyelamatkan saudara mereka yang kebuluran kerana lebih **mengutamakan** **rebutan** kuasa untuk puak **masing-masing**. Ada di antara mereka yang mencuri makanan yang dihulurkan oleh orang **bukan** Islam untuk saudara mereka yang kebuluran. Jika pendakwah Islam **betul-betul** berjaya **mengembangkan** **ajaran** Islam yang sebenar, semua **ini** tidak akan **berlaku**. Bahawa **ia** berlaku **sekarang** bermakna dakwah Islamiah kurang berkesan atau tidak tertumpu **kepada** **ajaran** Islam **sepenuhnya**. Dan kerana **ia** berlaku, maka agama Islam tercemar dan terhina bersama orang Islam.

Usaha menjayakan **masyarakat** Islam sehingga mereka mampu mencipta dan **mengeluarkan** **barangan** yang **canggih** dan **berkualiti** dan dengan itu bebas bergantung **kepada** orang **lain** tidak boleh dianggap sebagai terasing daripada **mengembangkan** agama Islam, iaitu berdakwah. Orang Islam yang **menjayakan** usaha-usaha **seperti** **ini** tidak boleh dicap **sebagai** orang yang sudah lupa **kepada** agama **atau ibadat-ibadat** tertentu. Sebenarnya mereka akan lebih mampu beribadat, kerana jika mereka **mampu** barulah mereka dapat mengeluarkan zakat dan mengerjakan haji. **Bahkan** jika mereka terlalu miskin sehingga tidak berbaju seperti **keadaan-**nya di Somalia, ibadat sembahyang dan puasa nun tidak akan **dapat** **dilakukan**. Benarlah **kemiskinan** itu adalah hampir **kepada** kekufuran. **Betapa**

pada agama mereka, **minat** untuk mengukuhkan pegangan orang Islam **seperti** **ini** kepada agama mereka memang tepat dan menjadi perkara yang penting **bagi** pendakwah Islam.

Tetapi terdapat **juga** orang yang membuat **kriteria** sendiri berkenaan dengan Islam dan **membuat** penilaian terhadap keislaman orang lain mengikut penilaian **mereka**. **Orang** **ini** tidak **berpegang** **kepada** apa yang diterima oleh agama **Islam** sebagai **penentu** **iman** orang Islam. **Dengar** **ini** mereka kerap **menidakan** keislaman **orang-**lain atau kerajaan-kerajaan tertentu dan teru mengambil tindakan menentang **mereka**, kadang kadang **melalui** keganasan. Hasilnya umat Islam berpecah dan kerajaan kerajaan **negara** **Islama** menjadi lemah. **Bagi** **gerakan** **ekstremis** Islam ini tidak adanya **kemajuan** di negara-negara Islam yang setanding dengan **negara-**bukan Islam tidak meng **apa**. Kononnya **kemajuan** di dunia tidak penting Yang penting ialah **amalan-amalan** yang **dituntut** oleh mereka mengikut tafsiran **ekstremis** **mereka**.

Sebenarnya secara **tidak** **langsung** puak **ekstremis** **ini** menjadi **alat** ke **pada** musuh Islam Percubaan mereka **untuk** **menjatuhkan** kerajaan-kerajaan Islam dengan menggunakan **kekerasan** **hanya** berjaya **melemahkan** negara-negara **ini** dan menyekat **kemajuan**. Dengan itu, **negara-**negara **ini** tidak mampu bersaing dengan **negara-**

Tingkatkan kegemilangan dakwah

DARI MUKA 10



11 DEC 1992

negara maju bukan Islam. Negara Islam ini menjadi semakin mundur dan terpaksa bergantung kepada negara bukan Islam sehingga hilang kebebasan. Jika puak ekstremis berjaya menggulingkan kerajaan yang sedia ada dan mengambilalih pemerintahan pun, keadaan negara tidak akan menjadi lebih baik. Biasanya negara yang diperintah oleh puak ini lebih mundur dan lebih tidak mampu bersaing atau menentang dengan berkesan negara bukan Islam. Mereka juga boleh diperalatkan oleh musuh untuk melemahkan lagi masyarakat dan dunia Islam.

Sebab itulah, hari ini apabila satu masyarakat Islam diserang oleh musuh bukan Islam, tidak ada satu pun negara Islam yang mampu menolong. Gabungan semua negara Islam juga tidak mampu berbuat apa-apa. Semuanya lemah dan bergantung atau terikat dengan negara asing sehingga mereka kaku. Kita sedih, kita mengeluh dan menyalahkan musuh Islam. Tetapi orang Islam tidak boleh menganggap diri mereka tidak bersalah. Sebenarnya mereka lebih bersalah daripada orang lain.

Apakah kena mengenai semua ini dengan kursus dakwah? Seperti yang saya sebutkan, tumpuan pendakwah hari ini ialah untuk meningkatkan pengetahuan orang Islam mengenai ibadat tertentu untuk diri sendiri semata-mata sebagai persediaan kononnya untuk akhirat. Tidak banyak perhatian kepada pembentukan peribadi Islam dan pencapaian mereka di dunia yang boleh memuliakan Islam

kat ini maka di Malaysia, sekurang-kurangnya pendakwah tidak harus menghadkan tanggungjawab mereka kepada akidah, iman dan ibadat tertentu sahaja, tetapi juga kepada pembentukan sikap yang sesuai dengan penerapan ilmu dan kecekapan yang boleh menjadikan umat Islam maju, membangun, mentadbir serta mempertahankan negaradanagamadengan berkesan. Dalam semua bidang pengetahuan, harus ada orang Islam yang jadi pakar. Demikian juga harus ada di kalangan negara Islam yang mampu mempertahankan umat Islam di mana sahaja. Ini juga menjadi sebahagian daripada fardu kifayah.

Masa sudah tiba untuk memperluas semula bidang tugas pendakwah supaya sesuai dengan keadaan masa dan masalah yang dihadapi oleh umat Islam. Sebenarnya masalah hari ini adalah kerana pendakwah dalam beberapa abad yang lepas tidak memberi perhatian kepada bidang yang lebih luas. Perkembangan Islam dari Semenanjung Arab berlaku kerana semangat yang disemaikan oleh pendakwah Islam dahulu mendorong umat Islam menguasai bidang-bidang pengetahuan dan kecekapan yang diperlukan untuk umat Islam memperluaskan wilayah Islam dan mentadbirnya dengan cekap. Kebolehan mereka menyebabkan agama Islam, umat serta negara Islam dihormati. Tetapi pendakwah seperti ini sukar didapati sekarang. Itulah sebabnya yang kita harus lahirkan semula pendakwah yang seumpama ini.

dan menjadikan orang Islam orang dihormati dan disegani masyarakat lain. Pembangunan orang Islam dan negara Islam juga tidak dianggap sebagai sebahagian daripada perkembangan agama Islam, iaitu sebagai sebahagian daripada tugas berdakwah.

Justeru itu, penjelasan mengenai keadaan sebenar umat Islam hari ini adalah penting kerana tanggungjawab untuk membentuk peribadi Islam secara menyeluruh tidak dapat diasingkan daripada dakwah Islamiah. Dakwah Islamiah dalam bentuk sekarang kepada orang Somalia atau Bosnia tidak bermakna kepada mereka. Dalam keadaan mereka berada sekarang tidak ada ibadat yang dapat dilakukan oleh mereka jika mempertahankan diri tidak dianggap sebagai ibadat. Mereka perlu dipulih daripada segi fizikal sebelum soal iman, akidah serta ibadah tertentu dapat diamalkan oleh mereka. Hakikatnya ialah oleh kerana umat Islam seluruh dunia begitu lemah, mereka tidak terdaya memulihkan saudara seagama. Dan ini kerana pembentukan peribadi umat Islam yang bertanggungjawab kepada pendakwah terhadap perkara yang tidak mengutamakan pembangunan mental, fizikal, pengetahuan dunia-wi dan kecekapan mereka.

Memandangkan haki-

Pendakwah sekarang perlu menghidupkan semula dakwah yang luas ini dengan menyesuaikan dengan keadaan zaman. Sudah tentu pendakwah sendiri tidak harus menjadi masalah kepada masyarakat Islam dengan bersikap ekstrim serta memecahbelah dan mengelirukan orang Islam. Mereka tidak harus mengembangkan ajaran yang boleh melemahkan negara Islam yang sudah pun lemah. Bukanlah menjadi tugas pendakwah untuk membuat penilaian terhadap keislaman orang tertentu dengan tujuan menyerang dan menajutuhkannya mereka. Sebaliknya mereka harus membetulkan akidah dan iman serta amalan dengan cara yang bijak supaya tidak terjadi perpecahan di kalangan umat Islam. Inilah tugas pendakwah yang sebenarnya.

Harapan kerajaan terhadap kegiatan dakwah adalah tinggi. Kita ingin menjadi negara Islam yang mampu mempertahankan umat dan negara Islam. Sama ada kita mencapai cita-cita mulia ini atau tidak, bergantung kepada fahaman dan amalan kita semasa mengamalkan ajaran Islam yang disampaikan sebahagiannya oleh pendakwah di negara ini.

Justeru itu anggaplah tugas ini sebagai ibadat yang mulia yang tidak boleh diasaskan kepada kepentingan diri semata-mata.